

Nd.

153. Breytingartillögur

við frumvarp til laga um útsvör.

Frá minni hluta allsherjarnefndar (P. Þ.).

1. Við 4. gr. a. Í fyrstu málsgr. á eftir orðunum »afgangs skuldum« komi: Svo og ef lögboðnir skattar til sveitarsjóðs hvíla sjerstaklega á eignum.
 - b. Aftan við 1. lið bætist:

Að öllu þessu athuguðu skal gjaldskyld eignafjárhæð aðilja ákveðin.
 - c. Niðurlag greinarinnar verði:

Að athuguðum 2. og 3. lið, skal gjaldskyld teknaafjárhæð aðilja ákveðin.
 - d. Á eftir 4. gr. komi ný grein, svo hljóðandi:

Þegar útsvörum er jafnað niður, skal finna meðal-hundraðshluta þeirrar upphæðar, er jafna þarf niður, i mismunandi hlutfalli við eign annarsvegar og tekjur hinsvegar, lægra hlutfallið við eign, en hærra hlutfallið við tekjur; munurinn má þó ekki meiri vera en 1 á móti 7.

Þegar finna skal útsvarsupphæð hvers gjaldanda, skal hækka og lækka meðal-hundraðshluta eftir því, sem hæfa þykir, þ. e. búa til gjaldstiga, þó þannig, að eign með lægsta hundraðsgjaldi má eigi meiri vera en 5000 krónur og stigmunur ekki minni en 5000 krónur. Tekjur með lægsta hundraðsgjaldi mega ekki meiri vera en 1000 kr. og stigmunur ekki minni en 1000 kr.

Gjaldstigi, sem saminn er við aðalniðurjöfnun, gildir fyrir aukaniðurjöfnun síðar á árinu. Ef aukaniðurjöfnun fer fram fyr á árinu en aðalniðurjöfnun, þá gildir gjaldstigi síðasta árs.

Útsvarsupphæð, sem fram kemur eftir reglunum í þessari grein, má hækka eða lækka að því leyti, sem hún stendur ekki á heilum eða hálfum tug króna.
2. Við 6. gr. a. Við A. III. c. Aftan við liðinn bætist:

Þar með taldar bústofnslánadeildir.

 - b. Á eftir B. 3. komi nýr liður:

C. Aðiljar, sem hvergi teljast heimilisfastir.
3. Við 8. gr. a. a-liður orðist svo:
 1. Ef hann hefir heimilisfasta atvinnustofnun, svo sem útibú, annarsstaðar en í heimilissveit, svo og leiguliðaaafnot lands, þótt ekki fylgi ábúð, ábúð á jörð eða jarðarhluta — þó ekki ítök eða hlunnindi, sem metin eru með jörð

eða heimatekjum embættis í heimilissveit — laxveiði og lóðarafnot, ef þau gefa arð.

b. b-liður verði töluliður 2.

c. c-liður orðist svo:

3. Ef aðili rekur atvinnu í fleiri sveitum en einni, enda taki fyrirmæli 1. og 2. liðar ekki til, og sje atvinnan ekki skemur rekin en 8 vikur. Svo og ef rekin hefir verið selveiði, hvalveiði, síldar kaup, síldarsala, síldarverkun eða síldarbræðsla, og verksmiðjuíðnaður hverskonar sem er, enda þótt skemur sje rekið.

d. d-liður orðist svo:

4. Ef maður stundar atvinnu eða er lögskráður á skip utan heimilissveitar sinnar, einungis að því leyti, sem hann fær meira kaup í einni sveit en 2000 krónur, þar með talið fæði og önnur hlunnindi, er hann kann að hafa haft, reiknað eins og skattanefnd í þeirri sveit telur það til tekjuskatts.

e. Á eftir d-lið komi tveir nýir liðir:

α. Ef skip leggur upp afla sinn utan heimilissveitar útgerðarmanns eða eiganda að minsta kosti 4 vikur samtals af gjaldárinu, enda má þá ekki að því leyti leggja þar útsvar á skipverja eftir ákvæðum 4. liðs. Útsvar eftir þessum lið má þó aldrei hærra vera en 1 af hundraði af verðgildi afla, sem á land er lagður, að frádregnum þeim hluta hans, sem kann að tilheyra einhverjum gjaldþegni búsettum þar.

β. Ef gjaldþegn flyst búferlum milli sveita eða á samtímis lögheimili í tveim sveitum, enda hafi hann átt heima eða dvalist í hvorri eða hverri sveit eigi skemur en 3 mánuði á gjaldárinu.

Þar skal leggja á erlend tryggingarfjelög, sem aðalumboðsmaður þeirra hjer á landi er heimilisfastur.

Að því leyti, sem lagt er á aðilja í atvinnusveit eða dvalarsveit eftir ákvæðum þessarar greinar, má ekki leggja á hann í heimilissveit hans.

4. Við 9. gr. Í 1. málsgrein »Þó skal skifta — — « til enda greinarinnar falli burt.

5. Við 10. gr. Greinin falli burt.

6. Við 11. gr. Í stað »fyrir hver áramót« komi: áður en þeir fara úr sveitinni.

7. Við 12. gr. 12., 13., 14. og 15. gr. falli burt.

8. Við 16. gr. a. Í fyrri málsgrein »Skal hún kveðja — — neinn úr skattanefnd« falli burt.

b. Síðari málsgrein orðist svo:

Í hreppum getur hreppsnefnd ákveðið sjer þóknun fyrir nið-

urjöfnunarstarf sitt, þó ekki yfir 5 kr. á dag til hvers nefndar-
manns. Þóknunin greiðist úr sveitarsjóði.

c. Greinatalan breytist eftir atkvæðagreiðslu.

9. Við 29. gr. Á eftir 2. málsgrein komi ný málsgrein:

Skipstjóri eða formaður skips ber ábyrgð á útsvari eftir 8.
gr. 5. lið.

Brtt. á þskj. 127 og 149 eru teknar aftur.